



# Ez bururik berotu

**A**skapen eta desobedientzia ekintza bihurtu da dagoeneko erosketa egitera joatea. Ez dakit zuei gertatu zai-zuen, baina etxeko ataristik eta dendara bidean gurutzatutako jende apurraren artean badago halako talde izaera bat. Aurrez aurre eta bi metro eskumara datorren poltsadun pertsonak urrundik ikusi zaitu, baita zuk bera ere. Begiekin esaten dizu: *egun bat gutxiago, edo kontuz zer ukitizen duzun*. Eta elkar agurtzen duzue. Baina ez da edozein agur. Ez da presazko agur bat edo protokolozko aurpegiko keinu bat. Mendian eta manifestazioetan sentitu izan dudan dio-

sala egiteko modua da. Ez dakit buruaren posizio jakin bat den edo begiekin egiten den keinu bat ote den, baina agurtzeko modu horrek *Gu, Hemen eta Honetan* transmititzen du. Fenomeno horri GHH dei diezaiokegu nahi baduzue.

Horra hor nire itxialdiko uzta. Ez da nahikoa etxetik lan egitea, egunean sei edo zazpi jateko egi-tea, noizean behin dutxatzea, etxea txukuntzeko fantasia iza-tea, supermerkaturako espediziotsik bizirik itzultzea, kirola egi-teko tutorial egokia bilatzen nekatzea... Ez da nahikoa, ez. Zerbaitetarako balio beharko digu, ba, itxialdi honek. Eta, batez ere, itxialdi honek zerbaitetarako ba-

lio digula adierazi beharko dugu ba. Zerbait. Zerbaitetarako. Gauza berriak ikasi edo ez dakit ba.

Baina ez da erraza. Izan ere, egin beharrak berak nekatzen du burua askotan, eta egiteko dau-den gauzen artean zer egin era-bakitzerako auzoko txaloak entzuten dituzu. Afaltzeko ordua. Luze joko du itxialdiak eta izango duzu astia sortzeko eta egiteko gero ere. Kontua da kon-trakoa ere ez dela erraza; hau da, ezer ez egitea. Ezer ez egitea da, gelditzea, isiltzea, puntu jakin batean begirada iltzatzea edo begiak ixtea, pentsamenduen zurrubiloa etetea, zure barneko ahotsa entzutea... Beraz, hobe da Zerbait eta *Ezer Ez* tarte horretan

aritzea. ZEE dei diezaiokegu praktika horri nahi baduzue.

Nik, adibidez, tarteka nire barruko ahotsari erreparatzen diot, baina barruko ahotsaren kantu gregorianoa errepikako-rregia denetan telebista pizten dut, edo hozkailua ireki. Egun batzuetan gustuko arropak jantzi eta apain-apain jartzen naiz bantzalzea, eta gero siesta egi-ten dut arropa bera erantzi gabe. Iluntzea noiz helduko zain ema-

ten dut eguna zaborra botatzera irteteko eta unea iristean nagia sartzen zait. Aurretik ere banuen egin nahi eta beharraren arteko borroka berarekin jarraitzen dut, baina orain etxetik irteteko komodinik gabe.

Egunean-egunean goaz eta udaberriko oporraldia ere heldu zaigu batzuei. Balkoia duenak goza beza balkoiaz edo ez. Etxekoek egoteko gogorik ez due-nari, animo. Etxekoez gozatzeko gogoz dagoenari, bejondeiola. Barruko gregorianoa isiltzeko as-motan behar baino gehiago jan duenari, kulparik ez. Kantatzeko gogoa duenari, txaloak. Eder sentituz esnatu denari, ispilua. Pijama eranzteko gogorik ez duenari, epeltasuna. Albisteen betekada daukanari, leioha.

Gozatu ezazue edo ez, baina ez bururik larregi berotu. Ni GHH jarrerarekin eta ZEE tarte horretan mantentzen ahaleginduko naiz.

**Zerbaitetarako balio beharko digu, ba, itxialdi honek. Eta, batez ere, itxialdi honek zerbaitetarako balio digula adierazi beharko dugu ba**

Irudia • Ermua



## Zarata eta argia, Sololuze eta Beltran gogoan

Astelehenean hilabete bi bete ziren Zaldibarko zabortegia amildu zene-tik. Zaldibar Argitu plataformak deitura, protesta zaratasua egin zuten Zaldibarko eta Ermuko —iridian— leioha eta balkoi ugaritan, Alberto So-loluze eta Joaquin Beltran desagerturik jarraitzen duten bi langileak oroitzezko. Kandela bina ere piztu zituzten. Domekan, Alberto Sololuzeren-iza daitekeen auto bat aurkitu zuten hondakinen azpian. J.C.RUIZ / FOKU

## Rementeriak suspertzela plana iragarri du

**BILBO** • Unai Rementeria Bizkai-ko diputatu nagusiaren esane-tan, «premiazkoenari erantzute-arekin batera, biharamunari begirà» ere ipini behar da. «Ezin dugu etorriko den egun horren minutu bakar bat ere galdu; prest harrapatu behar gaitu». Horregatik, Bizkaia Aurrera pla-na jarriko du martxan diputazio-ak. Martitzenean modu telemati-koan kazetariantzat egindako ezohiko agerraldian iragarri

zuen. Azken hiru asteetan dipu-tatu nagusiak egindako lehen adierazpenak dira aste honeta-koak. Oposizioko alderdiek go-gor kritikatu dute isiltasun hori.

Plan horren helburua izango da COVID-19ak eragindako krisi sozioekonomikotik «ahalik eta arinen irten eta normaltasunera itzultzea». Besteak beste, eko-nomia eta enplegua suspertu gura ditu Rementeriak. Ez du xehetasunik eman, oraindik planaren edukia taxutzen ari direlako. Baina iragarri du «be-harko diren baliabide ekonomiko guztiak» izango dituela. Besteak beste, zerga politikan

ere neurriak hartuko dituztela gaineratu du.

Bizkaiko Batzar Nagusiek joan den abenduaren 28an onartu zituzten 2020rako aurre-kontuak. Rementeriak aitor-tu du moldaketa «sakonak» egin beharko direla. Ez soiliak premia berriei erantzuteko, baita zerga bilketak «beherakada nabar-mena» izango duelako ere. Dena den, inbertsio publiko nagusiak mantentzearen alde agertu da, uste duelako horrek «hauspotu» behar duela ekono-miaren susperraldia. Esaterako, itsasadarreko tunelaren proiek-tuari eutsiko diotela esan du.

Mahala  
BASERRIRIKO PRODUKTUAK

943 670 724 - info@mahala.eus  
Zeliakoentzat gai dira gure produktu guztiak